

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ՊԱՏՄՈՒԹՅԱՆ ՖԱԿՈՒԼՏԵՏ

ЕРЕВАНСКИЙ ГОСУДАРСТВЕННЫЙ УНИВЕРСИТЕТ
ИСТОРИЧЕСКИЙ ФАКУЛЬТЕТ

YEREVAN STATE UNIVERSITY
FACULTY OF HISTORY

ՊԱՏՄՈՒԹՅՈՒՆ ԵՎ ՄՇԱԿՈՒՅԹ
ՀԱՅԱԳԻՏԱԿԱՆ ՀԱՆԴԵՍ

ИСТОРИЯ И КУЛЬТУРА
АРМЕНОВЕДЧЕСКИЙ ЖУРНАЛ

HISTORY AND CULTURE
JOURNAL OF ARMENIAN STUDIES

№ 1

ԵՐԵՎԱՆ - ԵՐԵՎԱՆ - YEREVAN
ԵՊՀ ՀՐԱՏԱՐԱԿՉՈՒԹՅՈՒՆ, ИЗДАТЕЛЬСТВО ЕГУ, YSU PRESS
2020

**Հրատարակվում է Երևանի պետական համալսարանի
Պատմության ֆակուլտետի գիտական խորհրդի որոշմամբ**

Գլխավոր խմբագիր՝ պ.գ.դ., պրոֆ. **Էդիկ Մինասյան**
խմբագրական խորհուրդ՝

Արման Եղիազարյան (խմբագիր, պ.գ.դ., դոց.), **Արամ Սիմոնյան** (ԵՊՀ Հայագիտական հետազոտությունների ինստիտուտի տնօրեն, ՀՀ ԳԱԱ թղթ. անդամ, պ.գ.դ., պրոֆ.), **Աշոտ Մելքոնյան** (ՀՀ ԳԱԱ ակադեմիկոս, պ.գ.դ., պրոֆ.), **Արտակ Մովսիսյան** (պ.գ.դ., պրոֆ.), **Ալբերտ Ստեփանյան** (պ.գ.դ., պրոֆ.), **Հայկ Ավետիսյան** (պ.գ.դ., պրոֆ.), **Հայրապետ Մարգարյան** (պ.գ.դ., պրոֆ.), **Լևոն Չուգասզյան** (արվեստագիտ. դոկտ., պրոֆ.), **Համլետ Պետրոսյան** (պ.գ.դ., պրոֆ.), **Իգիթ Ղարիբյան** (պ.գ.դ., պրոֆ.), **Հենրիկ Աբրահամյան** (պ.գ.դ., պրոֆ.), **Հայկազ Հովհաննիսյան** (պ.գ.դ., պրոֆ.), **Աշոտ Ներսիսյան** (պ.գ.դ., պրոֆ.), **Աշոտ Հայրունի** (պ.գ.դ., պրոֆ.), **Վալերի Թունյան** (պ.գ.դ., պրոֆ.), **Վանիկ Վիրաբյան** (պ.գ.դ., պրոֆ.), **Ռաֆիկ Նահապետյան** (պ.գ.դ., պրոֆ.), **Հակոբ Հարությունյան** (պ.գ.դ., դոց.), **Հովիկ Գրիգորյան** (պ.գ.թ., դոց.), **Մխիթար Գաբրիելյան** (պ.գ.թ., դոց.), **Էդգար Հովհաննիսյան** (պ.գ.թ., դոց.):

Главный редактор - докт. ист. наук, проф. **Эдик Минасян**
Редакционная коллегия:

Арман Егиазарян (редактор, д.и.н., доц.), **Арам Симонян** (директор Института Арменоведческих исследований ЕГУ, членкор. АН РА, д.и.н., проф.), **Ашот Мелконян** (академик АН РА, д.и.н., проф.), **Артак Мовсисян** (д.и.н., проф.), **Альберт Степанян** (д.и.н., проф.), **Айк Аветисян** (д.и.н., проф.), **Айрапет Маргарян** (д.и.н., проф.), **Левон Чугасзян** (докт. искусствовед. наук, проф.), **Гамлет Петросян** (д.и.н., проф.), **Игит Гарибян** (д.и.н., проф.), **Генрих Абраамян** (д.и.н., проф.), **Айказ Оганесян** (д.и.н., проф.), **Ашот Нерсесян** (д.и.н., проф.), **Ашот Айруни** (д.и.н., проф.), **Валерий Тунян** (д.и.н., проф.), **Ваник Вирабян** (д.и.н., проф.), **Рафик Наапетыан** (д.и.н., проф.), **Акоб Арутюнян** (д.и.н., доц.), **Овик Григорян** (к.и.н., доц.), **Мхитар Габриелян** (к.и.н., доц.), **Эдгар Оганнисян** (к.и.н., доц.).

Editor-in-Chief - Doctor of Sciences, prof. **Edik Minasyan**
Editorial Board:

Arman Yeghiazaryan (editor, Doctor of Sciences, associate prof.), **Aram Simonyan** (Director of YSU Institute for Armenian Studies, Corresp. member of NAS RA, Doctor of Sciences, prof.), **Ashot Melkonyan** (Academician of NAS RA, Doctor of Sciences, prof.), **Artak Movsisyan** (Doctor of Sciences, prof.), **Albert Stepanyan** (Doctor of Sciences, prof.), **Hayk Avetisyan** (Doctor of Sciences, prof.), **Hairapet Margaryan** (Doctor of Sciences, prof.), **Levon Chugaszyan** (Doctor of Arts, prof.), **Hamlet Petrosyan** (Doctor of Sciences, prof.), **Igit Gharibyan** (Doctor of Sciences, prof.), **Henrik Abrahamyan** (Doctor of Sciences, prof.), **Haikaz Hovhannisyan** (Doctor of Sciences, prof.), **Ashot Nersisyan** (Doctor of Sciences, prof.), **Asot Hayruni** (Doctor of Sciences, prof.), **Valeri Tunyan** (Doctor of Sciences, prof.), **Vanik Virabyan** (Doctor of Sciences, prof.), **Rafik Nahapetyan** (Doctor of Sciences, prof.), **Hakob Harutunyan** (Doctor of Sciences), **Hovik Grigoryan** (PhD of History, associate prof.), **Mkhitar Gabrielyan** (PhD of History, associate prof.), **Edgar Hovhannisyan** (PhD of History, associate prof.).

ISSN 1829-2771

**ԲՈՎԱՆԴԱԿՈՒԹՅՈՒՆ
СОДЕРЖАНИЕ / CONTENT**

ՊԱՏՄՈՒԹՅՈՒՆ / ИСТОРИЯ / HISTORY

Էդիկ Մինասյան – ՀԱՅ ԺՈՂՈՎՐԴԻ ՆԵՐԴՐՈՒՄԸ ՀԱՅՐԵՆԱԿԱՆ ՄԵԾ ՊԱՏԵՐԱԶՄԻ ՀԱՂԹԱՆԱԿԻ ԳՈՐԾՈՒՄ (1941-1945 ԹԹ.).....	8
Эдик Минасян – ВКЛАД АРМЯНСКОГО НАРОДА В ПОБЕДУ В ВЕЛИКОЙ ОТЕЧЕСТВЕННОЙ ВОЙНЕ (1941-1945 ГГ.).....	32
Edik Minasyan – THE CONTRIBUTION OF THE ARMENIAN PEOPLE TO THE VICTORY IN THE WORLD WAR II (1941-1945).	33
Արտակ Մովսիսյան – ՀԱՅ ԷԹՆՈՍԻ ՏԱՐԱԾՄԱՆ ԱՇԽԱՐՀԱԳՐՈՒԹՅՈՒՆԸ ՄԵՐ ԹՎԱԿԱՆՈՒԹՅԱՆ ՍԿԶԻՆ (ԸՍՏ ԱՏՐԱԲՈՆԻ ԿԿԱՅՈՒԹՅՈՒՆՆԵՐԻ).....	34
Артак Мовсисян – ГЕОГРАФИЯ РАСПРОСТРАНЕНИЯ АРМЯНСКОГО ЭТНОСА НАКАНУНЕ НАШЕЙ ЭРЫ (ПО СВЕДЕНИЯМ СТРАБОНА).....	40
Artak Movsisyan – THE GEOGRAPHY OF THE SPREAD OF THE ARMENIAN ETHNOS ON THE EVE OF OUR ERA (ACCORDING TO STRABO).....	40
Միքայել Մալխասյան – ՄԵԾ ՀԱՅԹԻ ԱՐԵՎՍՏՅԱՆ ՍԱՀՄԱՆՆԵՐԸ ԸՍՏ ԿԼԱՎԴԻՈՍ ՊՏՐՈՍՏԵՆՍԻ «ԱՇԽԱՐՀԱԳՐՈՒԹՅԱՆ».....	41
Микаэл Малхасян – ЗАПАДНЫЕ ГРАНИЦЫ ВЕЛИКОЙ АРМЕНИИ ПО “ГЕОГРАФИИ” КЛАВДИЯ ПТОЛЕМЕЯ.	47
Mikayel Malkhasyan – THE WESTERN BORDERS OF GREATER ARMENIA IN CLAUDIUS PTOLEMY’S “GEOGRAPHY”.	47
Էդգար Վարշամյան – ՀԱՅԱՍՏԱՆԸ ՀՈՒՍԵԱ-ՊԱՐՍԿԱԿԱՆ ՀԱՎԱՍԱՐՏՈՒԹՅԱՆ ԾԻՐՈՒՄ. ԱՐՇԱԿ Բ-Ի ԱՐՏԱԹԻՆ ԶԱՐԱԶԱԿԱՆՈՒԹՅՈՒՆԸ	49
Эдгар Варшамян – АРМЕНИЯ В РАЗГАР РИМСКО-ПЕРСИДСКОГО КОНФЛИКТА: ВНЕШНЯЯ ПОЛИТИКА АРШАКА II.	60
Edgar Varshamyan – ARMENIA IN THE MIDST OF THE ROMAN-PERSIAN CONFLICT: THE FOREIGN POLICY OF ARSHAK II.	61
Արգիշտի Վարդանյան – ՄԱՆՎԵԼ ՄԱՄԻԿՈՆՅԱՆԸ ՄԵԾ ՀԱՅԹԻ ԹԱԳԱՎՈՐՈՒԹՅԱՆ ԽՆԱՄԱԿԱԼ ԵՎ ԿԱՌԱՎԱՐԻՉ	62
Аргисhti Варданян – МАНВЕЛ МАМИКОНЯН – РЕГЕНТ И УПРАВЛЯЮЩИЙ ЦАРСТВОМ ВЕЛИКОЙ АРМЕНИИ.	68
Argishti Vardanyan – MANVEL MAMIKONYAN – REGENT AND RULER OF THE KINGDOM OF GREATER ARMENIA.	68
Արման Եղիազարյան – ԲԱԳՐԱՏՈՒՆԻՆԵՐԻ ԹԱԳԱՎՈՐՈՒԹՅԱՆ ՊԱՌԱՎՍՄԱՆ ՊԱՏՃԱՌ ԴԱՐՁԱԾ ՄԻ ԴԱՎԱԴՐՈՒԹՅԱՆ ՇՈՒՐՋ.....	70
Арман Егиазарян – О ЗАГОВОРЕ, ПРИВЕДШЕМ К РАСКОЛУ БАГРАТИДСКОГО ЦАРСТВА.	79
Arman Yeghiazaryan – ON A CONSPIRACY THAT CAUSED THE SPLIT OF THE BAGRATUNIES KINGDOM.	79
Արարատ Ստեփանյան – ՓԻԼԱՐՏՈՍ ԿԱՐԱԺՆՈՒՆՈՒ ՊԱՏԿԱՏԻՏՐՈՍՆԵՐԸ	81
Арарат Степанян – ПОЧЕТНЫЕ ТИТУЛЫ ФИЛАРЕТА ВАРАЖНУНИ.....	86
Ararat Stepanyan – THE HONORARY TITLES OF PHILARETOS BRACHAMIOS.....	86

Սեյրան Չաքարյան – ԱՉԳԻ ԲՆՈՒԹԱԳՐՄԱՆ ՀԱՐՑԸ ՀԱՅՈՑ ԻՆՔՆՈՒԹՅԱՆ ԵՐԻՍՏՈՆԵԱԿԱՆ ՀԱՐԱՑՈՒՅՑՈՒՄ (ԳՐԻԳՈՐ ՏԱԹԵՎԱՅԻ ԵՎ ՂԱԶԱՐ ԶԱՀԿԵՑԻ).....	88
Сейран Закарян – ПРОБЛЕМА ХАРАКТЕРИСТИКИ НАЦИИ В ХРИСТИАНСКОЙ ПАРАДИГМЕ АРМЯНСКОЙ ИДЕНТИЧНОСТИ (ГРИГОР ТАТЕВАЦИ И ГАЗАР ДЖАХКЕЦИ).....	97
Seyran Zakaryan – THE PROBLEM OF CHARACTERIZATION NATION IN THE CHRISTIAN PARADIGM OF ARMENIAN IDENTITY (GRIGOR TATEVATSI AND GHAZAR JAHKETSİ).....	98
Սարգիս Բալդարյան – ԿՈՍՏԱՆԴ ՋՈՒՂԱՅԵՑՈՒ ԿԱՃԱՌԱԿԱՆԱԿԱՆ ՁԵՆՆԱՐԿՆԵՐԻ ՇՐՋԱՆԱՌՈՒԹՅՈՒՆԸ ՆՈՐ ՋՈՒՂԱՅԻ ԱՌԵՎՏՐԱԿԱՆ ՑԱՆՑՈՒՄ.....	99
Саркис Балдарян – ЦИРКУЛЯЦИЯ КОММЕРЧЕСКИХ УЧЕБНИКОВ КОНСТАНТА ДЖУГАЕЦИ В ТОРГОВОЙ СЕТИ НОВОЙ ДЖУЛЬФЫ.....	106
Sargis Baldaryan – THE CIRCULATION OF COMMERCIAL HANDBOOKS OF CONSTANT OF JULFA IN THE TRADE NETWORK OF NEW JULFA.	106
Արարատ Հակոբյան – 1920 Թ. ԹՈՒՐԵ-ՀԱՅԿԱԿԱՆ ՊԱՏԵՐԱԶՄԻ ՍԿՍՄԱՆ ՕՐԿԱ ՀԱՐՑԻ ՇՈՒՐՋ (ՊԱՏԵՐԱԶՄԻ 100-ԱՄՅԱԿԻ ԱՌԻԹՈՎ).....	108
Арарат Акопян – К ВОПРОСУ О ДАТЕ НАЧАЛА ТУРЕЦКО-АРМЯНСКОЙ ВОЙНЫ 1920 Г. (К 100-ЛЕТИЮ ВОЙНЫ).....	117
Ararat Hakobyan – ABOUT THE DATE OF THE BEGINNING OF THE TURKISH-ARMENIAN WAR IN 1920 (TO THE 100TH ANNIVERSARY OF THE WAR).....	117
Նելլի Մինասյան – 1920 ԹՎԱԿԱՆԻ ԹՈՒՐԵ-ՀԱՅԿԱԿԱՆ ՊԱՏԵՐԱԶՄԸ ԵՎ ՀԱՍԱԹՅՈՒՐԵԱԿԱՆՈՒԹՅԱՆ ԾՐԱԳՐԵՐԸ.....	118
Нелли Минасян – ТУРЕЦКО-АРМЯНСКАЯ ВОЙНА 1920 ГОДА И ПЛАНЫ ПАН-ТЮРКИЗМА.....	123
Nelli Minasyan – THE TURKISH-ARMENIAN WAR OF 1920 AND THE PROGRAMS OF PAN-TURKİSM.....	123
Սուրեն Ավետիսյան – ՀԱՅԱՍՏԱՆԻ ԿԱՐՄԻՐ ԽԱԶԻ ԸՆԿԵՐՈՒԹՅԱՆ ԳՈՐԾՈՒՆԵՈՒԹՅՈՒՆԸ ՀԱՅՐԵՆԱԿԱՆ ՄԵՃ ՊԱՏԵՐԱԶՄԻ ՏԱՐԻՆԵՐԻՆ.....	124
Сурен Аветисян – ДЕЯТЕЛЬНОСТЬ ОБЩЕСТВА КРАСНОГО КРЕСТА АРМЕНИИ В ГОДЫ ВЕЛИКОЙ ОТЕЧЕСТВЕННОЙ ВОЙНЫ.....	131
Suren Avetisyan – THE ACTIVITY OF RED CROSS SOCIETY OF ARMENIA IN THE YEARS OF THE GREAT PATRIOTIC WAR.....	131
Առնակ Սարգսյան – ԸՆՏՐԱԿԱՆ ԳՈՐԾԸՆԹԱՅԻՆ ՄԱՍՆԱԿՑՈՒԹՅՈՒՆԸ ԺՈՂՈՎԱԿԱՐԱՑՄԱՆ ԻՐՈՂՈՒԹՅՈՒՆՆԵՐՈՒՄ (ՀՀ 2018 Թ. ԸՆՏՐՈՒԹՅՈՒՆՆԵՐԻ ՕՐԻՆԱԿՈՎ).....	132
Арнак Саргсян – УЧАСТИЕ В ИЗБИРАТЕЛЬНОМ ПРОЦЕССЕ В РЕАЛИЯХ ДЕМОКРАТИЗАЦИИ (НА ПРИМЕРЕ ВЫБОРОВ В РЕСПУБЛИКЕ АРМЕНИИ В 2018 Г.).....	139
Arnak Sargsyan – PARTICIPATION IN THE ELECTORAL PROCESS IN THE REALITIES OF DEMOCRATIZATION (ON THE EXAMPLE OF THE REPUBLIC OF ARMENIA IN 2018 ELECTIONS).....	139
Գայանե Թովմասյան, Ռուբիկ Թովմասյան – ՉՐՈՍԱՇՐՋՈՒԹՅԱՆ ԵՎ ՀՅՈՒՐԸՆԿԱՆՈՒԹՅԱՆ ԱՐՅՈՒՆԱԲԵՐՈՒԹՅԱՆ ՉԱՐԳԱՑՄԱՆ ԱՊԱԳԱՅԻ ՄԻՏՈՒՄՆԵՐԸ (ԱՇԽԱՐՀ ԵՎ ՀԱՅԱՍՏԱՆ).....	140
Гаяне Товмасян, Рубик Товмасян – БУДУЩИЕ ТЕНДЕНЦИИ РАЗВИТИЯ ТУРИЗМА И ИНДУСТРИИ ГОСТЕПРИИМСТВА В МИРЕ И В АРМЕНИИ.....	149

Gayane Tovmasyan, Rubik Tovmasyan – FUTURE TRENDS OF TOURISM AND HOSPITALITY INDUSTRY DEVELOPMENT IN THE WORLD AND IN ARMENIA. 149

Արշալույս Տետեյան – ՀԱՅՈՑ ՑԵՂԱՍՊԱՆՈՒԹՅԱՆ ԵՎ ԼԵՆՆԱ-ՑԻՆ ԴԱՐԱԲԱՐԻ ՀԻՄՆԱԽՆԴԻՐԸ ԵՎՐՈՊԱԿԱՆ ԽՈՐՀՐԴԱՐԱՆԻ ԲԱՆԱԶԵՎԵՐՈՒՄ 150

Аршалуys Тетейан – ВОПРОС ПРИЗНАНИЯ ГЕНОЦИДА АРМЯН И ПРОБЛЕМА НАГОРНОГО КАРАБАХА В РЕЗОЛЮЦИЯХ ЕВРОПЕЙСКОГО ПАРЛАМЕНТА. 156

Arshaluys Teteyan – RECOGNITION OF ARMENIAN GENOCIDE AND NAGORNO-KARABAKH PROBLEM IN THE RESOLUTIONS OF EUROPEAN PARLIAMENT. 156

ՀԱՎԳԻՏՈՒԹՅՈՒՆ ԵՎ ԱԶԳԱԳՐՈՒԹՅՈՒՆ / АРХЕОЛОГИЯ И ЭТНОГРАФИЯ / ARCHAEOLOGY AND ETHNOGRAPHY

Ռաֆիկ Նահապետյան – ՀԱՅԿԱԿԱՆ ԼԵՆՆԱՇԽԱՐՀԸ՝ ԱՆԱՍՆԱՊԱՐԱԿԱՆ ՄՇԱԿՈՒՅԹԻ ՀԱՎԱՌՅՆ ԿԵՆՏՐՈՆ (ԸՍՏ ՀԱՎԳԻՏԱԿԱՆ ՆՅՈՒԹԵՐԻ ԵՎ ԱՆՏԻԿ ԳՐԱԿՈՐ ԱՐՔԵՈՒՐՆԵՐԻ) 157

Рафик Наапетян – АРМЯНСКОЕ НАГОРЬЕ - ДРЕВНЕЙШИЙ ЦЕНТР СКОТОВОДЧЕСКОЙ КУЛЬТУРЫ (ПО АРХЕОЛОГИЧЕСКИМ МАТЕРИАЛАМ И АНТИЧНЫМ ПИСЬМЕННЫМ ИСТОЧНИКАМ). 162

Rafik Nahapetyan – ARMENIAN HIGHLAND - THE MOST ANCIENT CENTRE OF CATTLE BREEDING CULTURE (ACCORDING TO ARCHAEOLOGICAL MATERIALS AND ANCIENT WRITTEN SOURCES). 162

Քրիստինա Այվազյան – ԲԱՐԵԳՈՐԾՈՒԹՅՈՒՆԸ ՀԱՅ ԺՈՂՈՎՐԴԱԿԱՆ ՀԵՔԻԱԹՆԵՐՈՒՄ 163

Кристина Айвазян – БЛАГОТВОРИТЕЛЬНОСТЬ В АРМЯНСКИХ НАРОДНЫХ СКАЗКАХ. 174

Christina Ayvazyan – CHARITY IN THE ARMENIAN FAIRY TALES. 175

ԱՐԿԵՍ ԵՎ ՄՇԱԿՈՒՅԹ / ИСКУССТВО И КУЛЬТУРА / ART AND CULTURE

Գեղամ Ասատրյան, Ավետիս Գրիգորյան – ՄԱՔՐԱՎԱՆԻ ԽԱՉՔԱՐԵՐԸ (XII-XIV ԴԴ.) 176

Гегам Асатрян, Аветис Григорян – ХАЧКАРЫ МАКРАВАНКА (XII-XIV ВВ.) 181

Gegham Asatryan, Avetis Grigoryan – THE CROSSLINES OF MAKRAVANK (XII-XIV CENTURIES). 181

Մոնթե Մաթևոսյան – ՋՐԱՌԱՏԻ Ս. ԿԱՐԱՊԵՏ ԵՎԵՂԵՑՈՒ ԽԱՉՔԱՐԵՐԸ 185

Monte Matevosyan – ХАЧКАРЫ ЦЕРКВИ СВЯТОГО КАРАПЕТА В ДЖРАРАТЕ. 188

Monte Matevosyan – THE KHACHKARS OF JRARAT ST. KARAPET CHURCH. 188

Շուշանիկ Համբարյան – ԵՐՈՒՍԱՂԵՍԻ Հ^մ 1970 ԱՎԵՏԱՐԱՆԸ ԵՎ ՄԱՆՐԱՆԿԱՐՆԵՐԻ ՈՒՇ ԾՐՋԱՆԻՆ ԲՆՈՐՈՇ ՊԱՏԿԵՐԱԳՐԱԿԱՆ ԱՌԱՆՁՆԱԳՆԱԿՈՒԹՅՈՒՆՆԵՐԸ 191

Шушаник Амбарян – РУКОПИСЬ № 1970 ЕВАНГЕЛИЯ ИЕРУСАЛИМА И ИКОНОГРАФИЧЕСКИЕ ОСОБЕННОСТИ МИНИАТЮР, ХАРАКТЕРНЫЕ ДЛЯ ПОЗДНЕГО ПЕРИОДА. 199

Shushanik Hambaryan – № 1970 GOSPEL OF JERUSALEM AND THE ICONOGRAPHIC FEATURES OF THE MINIATURES CHARACTERISTIC OF THE LATE-PERIOD. 199

ՍՓՅՈՒՌԱԳԻՏՈՒԹՅՈՒՆ / ДИАСПОРАВЕДЕНИЕ / DIASPORA STUDIES

Հրածին Վարդանյան – ՍՓՅՈՒՌԻ ՏԻՊՈԼՈԳԻԱԿԱՆ ԵՎ ՀԱՅ ՍՓՅՈՒՌԸ..... 202
Грацин Варданян – ТИПОЛОГИЯ ДИАСПОРЫ И АРМЯНСКАЯ ДИАСПОРА. 207
Hratsin Vardanyan – TYPOLOGY OF DIASPORAS AND THE ARMENIAN DIASPORA. 208

Ալիկ Ղարիբյան, Գայանե Գալստյան – ՀՅԴԻ ԳՈՐԾՈՒՆԵՒԹՅԱՆ ՍԿԶԲԱԿՈՒՐՈՒՄԸ ԱՄՆ-ՈՒՄ..... 209
Алик Гарибян, Гаяне Галстян – НАЧАЛО ДЕЯТЕЛЬНОСТИ АРФ ДАШНАКЦУТИОН В США. 214
Alik Gharibyan, Gayane Galstyan – THE BEGINNING OF ARF DASHNAKTSUTYUN ACTIVITY IN THE USA. 215

Էդգար Հովհաննիսյան – ՄԵԾԻ ՏԱՆՆ ԿԻԼԻԿԻՈՒ ԿԱԹՈՂԻԿՈՍՈՒԹՅԱՆ ԿԻՐԱԿՆՈՐՅԱ ԴՊՐՈՑՆԵՐԻ ՀԻՄՆՈՒՄԸ ԵՎ ՆՐԱՆՑ ԴԵՐԸ ՀԱՅԱՊԱՅՊԱՆՈՒԹՅԱՆ ԳՈՐԾՈՒՄ..... 216
Эдгар Ованесян – СОЗДАНИЕ ВОСКРЕСНЫХ ШКОЛ КИЛИКИЙСКОГО КАТОЛИКОСАТА И ИХ РОЛЬ В СОХРАНЕНИИ АРМЯНСКОЙ ИДЕНТИЧНОСТИ. 225
Edgar Hovhannisyanyan – THE FOUNDATION OF SUNDAY SCHOOLS OF THE CATHOLICOSATE OF THE GREAT HOUSE OF CILICIA AND THEIR ROLE IN PRESERVATION OF THE ARMENIAN IDENTITY...... 225

Մարիամ Հակոբյան – ՀԱՅԱՍՏԱՆՅԱՑ ԱՌԱՔԵԼԱԿԱՆ ԵՎԵՂԵՑՈՒ ՀՈՒՆԱՅԱՅՈՑ ԹԵՄԵՐԻ ՁԵՎԱԿՈՐՈՒՄԸ ԵՎ ՆՐԱՆՑ ԿԱՐԶԱԺՈՂՈՎՐԴԱԳՐԱԿԱՆ ՆԿԱՐԱԳԻՐԸ 1920-1930-ԱՎԱՆ ԹԹ..... 226
Мариам Акопян – ФОРМИРОВАНИЕ ЕПАРХИЙ АРМЯНСКОЙ АПОСТОЛЬСКОЙ ЦЕРКВИ В ГРЕЦИИ И ИХ АДМИНИСТРАТИВНО-ДЕМОГРАФИЧЕСКОЕ ОПИСАНИЕ В 1920-1930-Х ГГ. 231
Mariam Hakobyan – THE FORMATION OF THE GREEK-ARMENIAN DIOCESES OF THE ARMENIAN APOSTOLIC CHURCH AND THEIR ADMINISTRATIVE-DEMOGRAPHIC DESCRIPTION IN THE 1920s AND 1930s...... 231

Նարինե Նուշերվանյան – «ՍՓՅՈՒՌԸ-ՀՅՈՒՐԸՆԿԱԼՈՂ ԵՐԿԻՐ-ՀԱՅՐԵՆԻՔ» ՓՈԽ-ՀԱՐԱԲԵՐՈՒԹՅՈՒՆՆԵՐԻ ԵՌԱՆԿՅՈՒՄԱԶԵՎ ՍՈՂԵԼԸ..... 232
Нарине Нушерванян – ТРЕХСТОРОНЯЯ МОДЕЛЬ ВЗАИМООТНОШЕНИЙ “ДИАСПОРА-ПРИНИМАЮЩАЯ СТРАНА-РОДИНА”..... 240
Narine Nushervanyan – “DIASPORA-HOST COUNTRY-HOMELAND” TRIANGULAR MODEL OF RELATIONS...... 241

Գևորգ Ղուկասյան – ԱՐԵՎՄՏՅԱՆ ԵՎՐՈՊԱՅԻ ՀԱՅՎԱԿԱՆ ՍՓՅՈՒՌԻ ԼՈՐԲԻՍՏԱԿԱՆ ԳՈՐԾՈՒՆԵՒԹՅԱՆ ՇՈՒՐՁ..... 242
Геворг Гукасян – О ЛОББИСТСКОЙ ДЕЯТЕЛЬНОСТИ АРМЯНСКОЙ ДИАСПОРЫ В ЗАПАДНОЙ ЕВРОПЕ. 250
Gevorg Ghukasyan – ON THE LOBBYING ACTIVITIES OF THE ARMENIAN DIASPORA IN WESTERN EUROPE...... 251

ԱՐՔՅՈՒՐԱԳԻՏՈՒԹՅՈՒՆ / ИСТОЧНИКОВЕДЕНИЕ / SOURCE STUDIES

Հայկազ Հովհաննիսյան, Կարեն Բայրամյան – ՆՈՐԱՅԱՅՑ ԿԱԿԵՐԱԳՐԵՐ ԼԱՁԱՐՅԱՆՆԵՐԻ ԱՐԽԻՎԻՑ 252

Այկազ Օգանեսյան, Կարեն Բայրամյան – НОВОВЫЯВЛЕННЫЕ ДОКУМЕНТЫ ИЗ АРХИВА ЛАЗАРЕВЫХ. 261

Haikaz Hovhannisyán, Karen Bayramyan – NEWLY REVEALED DOCUMENTS FROM THE LAZAREVS ARCHIVE. 261

Հովիկ Գրիգորյան, Հայկ Մխոյան – ԴԱՎԻԹ ԱՆԱՆՈՒՆԻ ԵՎ ԼԵՈՅԻ ՆԱՍԱԿԱԳՐՈՒԹՅՈՒՆԻՑ 262

Օւիկ Գրիգորյան, Այկ Մխոյան – ИЗ ПЕРЕПИСКИ ДАВИТА АНАНУНА И ЛЕО. 273

Hovik Grigoryan, Haik Mkhoyan – FROM THE LETTERS OF DAVID ANANUN AND LEO. 274

ՈՒՍՈՒՄՆԱԿԱՅԹՈՂԱԿԱՆ / УЧЕБНО-МЕТОДИЧЕСКИЙ / EDUCATIONAL-METHODOLOGICAL

Արա Հովհաննիսյան – ՀԱՅԿԱԿԱՆ ՍՓՅՈՒՌՔԻ ՊԱՏՄՈՒԹՅԱՆ ԴԱՍԱԿԱՆԴՈՒՄԸ (ԱՌԱՆՁՆԱՀԱՏԿՈՒԹՅՈՒՆՆԵՐ, ՄԵԹՈՂԱԿԱՆ ՈՐԵՆԻՇՆԵՐ) 275

Արա Օգանեսյան – УЧЕБНО-МЕТОДИЧЕСКИЕ ПРИНЦИПЫ И ОСОБЕННОСТИ КУРСА “ИСТОРИЯ АРМЯНСКОЙ ДИАСПОРЫ”. 281

Ara Hovhannisyán – EDUCATIONAL AND METHODOLOGICAL PRINCIPLES AND FEATURES OF THE COURSE “HISTORY OF ARMENIAN DIASPORA”. 282

ԳՐԱԽՈՍՈՒԹՅՈՒՆ / РЕЦЕНЗИЯ / REVIEW

Վարինե Եղիազարյան, Մերի Հովհաննիսյան. ЭДИК МИНАСЯН – ГЕРОИЧЕСКАЯ ДЕЯТЕЛЬНОСТЬ АРМЯНОК В ГОДЫ ОСВОБОДИТЕЛЬНОГО ДВИЖЕНИЯ КОНЦА XIX-НАЧАЛА XX ВЕКА, МОСКВА, «ЭДИТУС», 2020, 252 С 283

Էդիկ Մինասյան, Էդիկ Չոհրաբյան. ՀԵՆՐԻԿ ԱՐՐԱՀԱՄՅԱՆ – ՀԱՅԱՍՏԱՆԻ ԱՆԿԱԽԱՑՄԱՆ ՀԱՍԱՐԱԿԱԿԱՆ-ՔԱՂԱՔԱԿԱՆ ՆԱԽԱԴԴՅԱԼՆԵՐԸ ԵՎ ԿԱՅԱՑՄԱՆ ՍԿԻՉԲԸ (1956 Թ. ՓԵՏՐՎԱՐ – 1991 Թ. ՍԵՊՏԵՄԲԵՐ), Ե., ԵՊՅ ՀՐԱՏ., 2019, 398 ԷԶ 286

Վալերի Թունյան, Արա Հովհաննիսյան. «ԴՈՆԻ ՀԱՅԿԱԿԱՆ ՀԱՄԱՅՆՔԸ ՆՈՐԱԳՈՒՅՆ ՇՐՋԱՆՈՒՄ. ՊԱՏՄՈՒԹՅՈՒՆ, ԻՆՍՏԻՏՈՒՄՆԵՐ, ԻՆՔՆՈՒԹՅՈՒՆ», ԳԻՏԱԿԱՆ ՀՈՂԿԱԾՆԵՐԻ ԺՈՂՈՎԱԾՈՒ / ԿԱԶՄՈՂ Է. ՄԻՆԱՍՅԱՆ /, Ե., ԵՊՅ ՀՐԱՏ., 2020, 212 ԷԶ 288

ՏԵՂԵԿՈՒԹՅՈՒՆՆԵՐ ՀԵՂԻՆԱԿՆԵՐԻ ՄԱՍԻՆ 290

INFORMATION ABOUT THE AUTHORS 292

Ի ԳԻՏՈՒԹՅՈՒՆ ՀԵՂԻՆԱԿՆԵՐԻ 294

NOTICE FOR THE AUTHORS 294

ՈՒՍՈՒՄՆԱՍԵԹՈՂԱԿԱՆ

Արա Յովհաննիսյան

ՀԱՅԿԱԿԱՆ ՍՓՅՈՒՌՔԻ ՊԱՏՄՈՒԹՅԱՆ ԴԱՍԱՎԱՆԴՈՒՄԸ (ԱՌԱՆՁՆԱՀԱՏԿՈՒԹՅՈՒՆՆԵՐ, ՄԵԹՈՂԱԿԱՆ ՈՒՂԵՆԻՇՆԵՐ)

Հիմնաբառեր. Սփյուռք, համայնք, դասընթաց, պատմություն, ուսումնասիրություն, կարևորություն, մեթոդ, հետազոտական աշխատանք, քննարկում, վերլուծություն, համայնքային կապակերպություն:

ԴԱՍԸՆԹԱՑԻ ԱՅԺՄԵԱԿԱՆՈՒԹՅՈՒՆԸ ԵՎ ԿԱՐԵՎՈՐՈՒԹՅՈՒՆԸ

Հայկական սփյուռքի պատմության հանգամանալից ուսումնասիրությունը ունի կարևոր գիտական, գործնական-կիրառական, ինչպես նաև ուսումնամեթոդական նշանակություն: Հայկական սփյուռքի պատմության ուսումնասիրությունը շահեկան է հայ ժողովրդի պատմության ուսումնասիրության ամբողջացման տեսանկյունից, քանի որ առնվազն մեկուկես հազարամյակ հայ ժողովրդի մեծ զանգվածներ բնակվել են հայրենիքից դուրս, իսկ այսօր Հայաստանի և Արցախի հանրապետություններից դուրս է բնակվում հայության 2/3-ը: Այս իրողությունը «Հայկական սփյուռքի պատմության» դասընթացը դարձնում է առավել կարևոր ու արդիական:

Սփյուռքագիտության ոլորտում մասնագետների պատրաստումը կոչված է ապահովելու Հայաստանի Հանրապետության պետական գերատեսչությունների և առանձին ոլորտային կառույցների կադրային ռեսուրսի կարիքները: Կարող ենք նշել, որ սփյուռքագիտության ոլորտում այսօր ակտիվ գործունեություն է ծավալվում ԵՊՀ պատմության ֆակուլտետի Սփյուռքագիտության ամբիոնը: Ոլորտի մասնագետները իրենց մասնագիտական կարողությունները ներդնում են ոչ միայն կրթության և գիտության ասպարեզում, այլև մասնագիտական-փորձագիտական դաշտում հանրությանը և պետական տարբեր կառույցներին տրամադրում են խորհրդատվություն և հրապարակային վերլուծություններ:

Հաշվի առնելով այսօր աշխարհում տիրող իրողությունները և այն մարտահրավերները, որի առջև կանգնած են ինչպես Հայաստանի Հանրապետությունում ապրող հայերը, այնպես էլ Սփյուռքում բնակվող նրանց հայրենակիցները՝ շատ այժմեական է Սփյուռքի մասին ունենալ հիմնարար գիտելիքներ և կատարել ժամանակի պահանջին համապատասխան հետազոտություններ, որպեսզի ունեցած գիտելիքներով և փոխադարձ ջանքերով հնարավոր լինի հաղթահարել առկա դժվարությունները: Սփյուռքի շարունակական հետազոտումը կարևոր է նաև այն պատճառով, որ ժամանակակից աշխարհը շատ արագ փոփոխվելով՝ իր ազդեցությունն է թողնում նաև հայկական սփյուռքի վրա: Այս փոփոխությունների արդյունքում արտերկրում գոյություն ունեցող հայկական համայնքները ևս ստիպված են լինում ենթարկվել տարատեսակ վերադասավորումների: Տնտեսական և քաղաքական զանազան պատճառներով տեղի են ունենում ներսփյուռքյան տեղաշարժեր¹: Երբեմնի որոշ հզոր համայնքներ թուլանում կամ կազմաքանդվում են, որի արդյունքում առավել սովորանում ու հզորանում են նախկինում գոյություն ունեցող փոքր ու մեծ համայնքները կամ առաջանում են նոր համայնքներ այլ երկրներում: Այս ամենը առաջացնում է բազմաթիվ խնդիրներ: Այդ պատճառով էլ շատ կարևոր է Սփյուռքի ճանաչողությունը, որը հնարավորություն կտա բավականին բարդ իրավիճակներում գտնվող մեր հայրենակիցներին ցուցաբերել տարատեսակ օգնություն (բարոյական, նյութական և այլն)՝ հնարավորինս նպաստելով նրանց հայրենադարձությանը:

Ի դեպ, հայրենադարձության թեման հանդիսանում է «Հայկական սփյուռքի պատմության» կարևորագույն թեմաներից մեկը, քանի որ սփյուռքահայերի հայրենադարձությունը այսօր ևս

* Հոդվածը ներկայացվել է 09.04.2020 թ., գրախոսվել՝ 01.06.2020 թ., ընդունվել տպագրության՝ 15.06.2020 թ.:

¹ Տե՛ս Դանալանյան Տ., Սփյուռքի ներքին տեղաշարժերը 1950-1980-ական թվականներին, Ե., 2016:

բավականին արդիական խնդիր է: Խորհրդային շրջանում մի քանի անգամ կազմակերպվել է սփյուռքահայերի հայրենադարձություն¹, որը շատ մեծ նշանակություն է ունեցել Հայաստանի զարգացման համար: Չնայած այն հանգամանքին, որ այդ գործընթացը հիմնականում կազմակերպվել է բավականին բարդ սոցիալ-տնտեսական և քաղաքական պայմաններում, ունեցել է բազմաթիվ թերություններ, դժվարություններ և խնդիրներ, այնուամենայնիվ տեղի ունեցածը ընդհանուր առմամբ դրական մեծ նշանակություն է ունեցել ինչպես Սփյուռքի, այնպես էլ Խորհրդային Հայաստանի համար: Ներկայում ևս Հայաստանի իշխանությունները միտված են նմանատիպ գործընթացի կազմակերպմանը: Պետական տարբեր կառույցներում և գերատեսչություններում տեղի են ունենում շարունակական քննարկումներ՝ պայմանավորված հայրենադարձության կազմակերպման և դրան նպաստող օրենսդրական դաշտի ստեղծման և հստակեցման հետ:

Ճանաչելով Սփյուռքը և ծանոթանալով սփյուռքահայ տարբեր համայնքներում ապրող հայերի իրական վիճակին՝ հնարավոր կլինի շատ ավելի արդյունավետ կերպով համագործակցել Սփյուռքի հետ ներկա փուլում, որը կնպաստի հայրենիք-սփյուռք կապերի ամրապնդմանը: Հայկական սփյուռքի պատմության ուսումնասիրությունը կօգնի անցյալի փորձը հաշվի առնելով՝ անել ճիշտ հետևություններ և կազմակերպել առավել անցնցում և նպատակային ներգաղթ, որը փոխելով երկրի ժողովրդագրական պատկերը՝ կնպաստի Հայաստանի զարգացմանը:

Այսպիսով կարող ենք փաստել, որ «Հայկական սփյուռքի պատմության» դասավանդումը կարևոր և արդիական է մի քանի պատճառներով: Այն նպաստում է հայ ժողովրդի պատմության ճանաչողության ամբողջացմանը, օգնում հայրենիք-սփյուռք կապերի զարգացմանը, նպաստում որակյալ մասնագետների պատրաստմանը, որոնք համալրում են Սփյուռքի հետ կապված համապատասխան գերատեսչությունները, աջակցում Սփյուռքում առկա որոշակի խնդիրների լուծմանը, ինչպես նաև սփյուռքահայերի հայրենադարձության անցյալի փորձերը ներկայացնելով՝ նպաստում ապագայում նմանատիպ գործընթացների առավել հաջող կազմակերպմանը:

ՄԻԶԳԻՏԱԿԱՐԳԱՅԻՆ ՄՈՏԵՑՈՒՄ

Դասընթացն իրականացվում է մի քանի գիտակարգերի տվյալների և մեթոդական մոտեցումների համակցությամբ: Առանձին թեմաներ ուսուցանվում են պատմության, միջազգային հարաբերությունների, աշխարհագրության, քաղաքագիտության և այլ տվյալների ու գիտելիքների համադրմամբ: Այն հնարավորություն է տալիս դասընթացը ներկայացնել առավել ամբողջական և ընդգրկուն ձևով: Հայկական սփյուռքի պատմության դասընթացը ուղեկցվում է պատմաքաղաքական, պատմաաշխարհագրական, մշակութային, երկրագիտական գիտելիքների համադրական-քննական մատուցմամբ: Այն հաշվի է առնում նաև նշված գիտակարգերից յուրաքանչյուրի մեթոդական առանձնահատկությունները:

Հայկական սփյուռքի ձևավորման գործընթացը ներկայացվում է պատմաքաղաքական գիտելիքների միջգիտակարգային մոտեցումների համադրման շրջանակներում: Հայերի սփռվածությունն ու տեղաբաշխումը աշխարհում մատուցվում է պատմաաշխարհագրական տվյալների

¹ Տե՛ս Եղիապարյան Ա., Անանյան Մ., Հովհաննիսյան Ա., Հովհաննիսյան Է., Հովսեփյան Մ. Վարդանյան Հ., Հայրենիք-սփյուռք հարաբերությունները 1918 թվականից մինչև մեր օրերը, Ե., 2017, էջ 121-145; Մելիքսեթյան Հ., Հայրենիք-սփյուռք առնչությունները և հայրենադարձությունը (1920-1980 թթ.), Ե., 1985; Սարգսյան Ն., Սփյուռքահայերի 1946-1948 թթ. մեծ հայրենադարձը, Ե., 2014; Ստեփանյան Ա., XX դարի հայրենադարձությունը հայոց ինքնության համակարգում, Ե., 2010; Առաքելյան Հ., Ռամկավար ապատական կուսակցության դերակատարությունը 1946-1948 թթ. հայրենադարձության կազմակերպման գործընթացում, «1946-1948 թթ. հայրենադարձությունը և դրա դասերը. հայրենադարձության հիմնախնդիրն այսօր», համահայկական գիտաժողովի Վեկուցումների ժողովածու, Ե., 2009, էջ 75-84; Մելքոնյան Է., Ստալինի աշխարհաքաղաքական նկրտումները և հայերի հայրենադարձությունը 1946-1948 թթ., «1946-1948 թթ. հայրենադարձությունը և դրա դասերը. Հայրենադարձության հիմնախնդիրն այսօր» համահայկական գիտաժողովի Վեկուցումների ժողովածու, էջ 22-31; Վիրաբյան Ա., 1946-1948 թթ. մեծ հայրենադարձությունը. հիմնահարցեր և խնդիրներ, «1946-1948 թթ. հայրենադարձությունը և դրա դասերը. Հայրենադարձության հիմնախնդիրն այսօր» համահայկական գիտաժողովի Վեկուցումների ժողովածու, էջ 8-21; Հովհաննիսյան Ա., Սփյուռքահայերի հայրենադարձությունը 1921-1926 թթ., «Ակունք» գիտական հոդվածների ժողովածու, թիվ 1 (15), Ե., 2017, էջ 102-108; Ստեփանյան Ա., Սարգսյան Հ., Իրանահայերի ներգաղթն ու վերաբնակեցման խնդիրները (1946-1970-ական թվականներին), «Պատմաբանասիրական հանդես», 2009, № 1, էջ 43-54; Ստեփանյան Ա., Հայրենադարձության հայկական փորձը (1946-1948 թթ.), «Պատմաբանասիրական հանդես», 2010, № 1, էջ 149-160:

ու գիտելիքների համադրմամբ: Յուրաքանչյուր երկրում առկա հայկական համայնքների առանձնահատկությունների ուսումնասիրությունը տեղի է ունենում տվյալ երկրի երկրագիտական տվյալների ներկայացման շրջանակներում, որը տեսանելի է դարձնում նաև օտար մշակույթի ազդեցության սահմանները ուսումնասիրվող համայնքում:

ԱԿՏԻՎ ՈՒՍՈՒՄՆԱԴՈՒԹՅՈՒՆ

Նախնական փուլում տեսական որոշակի գիտելիքների ձեռքբերումից հետո¹ աստիճանաբար սկսվում են կիրառվել նաև գործնական մոտեցումներ: Այլ կերպ ասած, սկսվում է ակտիվ ուսումնասիրության փուլը, որը համադրվում է տեսական մոտեցման հետ: Ակտիվ ուսումնասիրությունը հնարավորություն է տալիս ուսանողին ամբողջովին ներգրավվել դասապրոցեսի մեջ: Ուսանողի շարունակական մասնակցությունը դասապրոցեսին նպաստում է նրա տարբեր ունակությունների կատարելագործմանը (վերլուծություն, համադրություն, գնահատում և այլն): Ակտիվ ուսումնասիրության մոտեցումը գիտելիքի, տարատեսակ հմտությունների և տարբեր մոտեցումների գործնական կիրառության հնարավորություն է, որի արդյունքում ուսանողը ստուգում և կատարելագործում է իր ունակությունները: Եթե դասընթացի նախնական փուլում ուսանողը տեսական գիտելիքներ է ստանում՝ հիմնականում լսելով, ապա ակտիվ ուսումնասիրությունն իրենից ենթադրում է մասնակցության առավել բազմաձև և գործնական ձևաչափ: Ուսանողը ոչ միայն լսում է, այլև քննարկում, կատարում տարաբնույթ անհատական և խմբային աշխատանքներ, լուծում խնդիրներ, առաջ քաշում գաղափարներ՝ զարգացնելով անհատական մտածողության ունակությունը: Տարատեսակ քննարկումների միջոցով վերլուծվում, համադրվում, ամփոփվում և գնահատվում են պատմական տարբեր ժամանակաշրջաններում տեղի ունեցած բռնագաղթերն ու արտագաղթերը, որոնք նպաստել են հայկական գաղթօջախների, իսկ այնուհետև՝ հայկական սփյուռքի առաջացմանը: Փորձ է արվում հասկանալ և ներկայացնել վերոնշյալ երևույթների հիմնական պատճառները: Ուսանողները, ստանալով անհրաժեշտ գիտելիքներ և ծանոթանալով մեթոդական հմտություններին, կարող են դրանք կիրառել զանազան ուսումնասիրություններ կատարելիս:

ԴԱՍԸՆԹԱՑԻ ՀԵՏԱԶՈՏԱԿԱՆ ԲԱՂԱԴՐԻՉԸ

Ուսանողների հետազոտական ունակությունների բարելավումը տեղի է ունենում զանազան եղանակներով՝ հայկական սփյուռքի պատմության տարատեսակ աղբյուրների, ուսումնասիրությունների, գիտական գրականության և տարաբնույթ այլ հրատարակությունների (տպագիր մամուլ, դաշտային հետազոտությունների արդյունքներ, համացանցային կայքեր և այլն) քննական համաբերում, հետազոտական բնորոշ ձևերի ներկայացում, խնդիրների սահմանում ու դրանց լուծման ուղիների պարզաբանում և այլն: Դասընթացի շրջանակներում ուսանողը ստանալով անհրաժեշտ գիտելիքներ և յուրացնելով տարատեսակ աղբյուրների և գիտական գրականության հետ աշխատելու կարողություններ՝ կարողանում է առանձնացնել և մշակել թեմաներ, կատարել վերլուծություններ, սահմանել ու քննել հիմնահարցեր:

Սկզբնաղբյուրների և գիտական հետազոտությունների համաբերում: Հայկական սփյուռքի պատմության վերաբերյալ կան բազմաթիվ գիտական ուսումնասիրություններ, արխիվային նյութեր, մամուլի և համացանցային հրատարակումներ: Հաշվի առնելով այս իրողությունը՝ ուսանողներին անհրաժեշտ է առաջին հերթին իրենց հետազոտական կարողությունները բարելավելու համար համակողմանիորեն ծանոթանալ հայկական սփյուռքի պատմության բազմաթիվ սկզբնաղբյուրների և ուսումնասիրությունների: Ուսանողներին պարբերաբար հանձնարարվում են առանձին թեմաներով վերլուծական աշխատանքներ, որի նպատակը զանազան սկզբնաղբյուրների և տարատեսակ ուսումնասիրությունների հաղորդած տեղեկությունների համաբերումն ու թեմատիկ համակարգումն է: Արդյունքում ուսանողները հնարավորություն են ստանում

¹ *Տե՛ս* Андреев И., *Теория как форма организации научного знания*, Москва, 1979; Марков Б., *Проблемы обоснования и проверяемости теоретического знания*, Ленинград, 1984.

տիրապետելու հայկական սփյուռքի պատմության բոլոր շրջափուլերի մասին տեղեկություններին: Իրենց տրամադրության տակ ունենալով թեմային վերաբերող նյութերը՝ ուսանողներին հնարավորություն է տրվում քննական մոտեցմամբ դասակարգել հիմնականն ու օժանդակը: Բացի այդ՝ ուսանողը ծանոթանում է գիտական գրականության և աղբյուրային նյութում առկա դրույթների կիրառման և հղման մեխանիզմներին և այլ կարևոր հմտությունների:

Յետապոտական աշխատանքներ: Տարատեսակ աղբյուրների և մասնագիտական գրականության համաբերման, վերլուծման և ամփոփման արդյունքում ուսանողները իրականացնում են գիտահետազոտական աշխատանքներ¹: Յետազոտվող թեմայի շրջանակներում առանձնացվում և քննության են առնվում այն հիմնահարցերը, որոնք առավել կարևոր են և արդիական: Անհատական աշխատանքների և թեմատիկ քննարկումների արդյունքում ուսանողները զարգանում են հետազոտական հմտությունները, որը նրանց թույլ է տալիս կատարել ճշգրիտ եզրահանգումներ ուսումնասիրվող խնդիրների վերաբերյալ:

Քննարկումներ: Լսարանային քննարկումների ժամանակ ուսանողները ներկայացնում են իրենց կատարած վերլուծական աշխատանքներն՝ առանձնացնելով թեմային վերաբերող զանազան կարևոր ու արդիական հիմնահարցեր: Սա հնարավորություն է տալիս լսարանում գտնվող բոլոր ուսանողներին մասնակցելու տարատեսակ առարկայական քննարկումների և բանավեճերի, որը կատարելագործում է նրանց քննավերլուծական մտածողության կարողությունները:

Գիտական հրատարակումներ: Այն ուսանողները, որոնք աչքի են ընկնում հաջողված վերլուծական աշխատանքներով, հնարավորություն են ստանում իրենց վերլուծությունները հրատարակելու գիտական հանդեսներում: Նմանատիպ աշխատանքների հեղինակների հետ իրականացվում է անհատական աշխատանք, որի նպատակը ուսանողի վերլուծական աշխատանքի համապատասխանեցումն է գիտական հոդվածի չափանիշներին:

ԴԱՍԸՆԹԱՑԻ ԹԵՄԱՆԵՐԸ

Դասընթացում ընդգրկված թեմաները լիովին արտացոլում են հայկական սփյուռքի պատմությունը՝ ձևավորումից մինչև մեր օրերը: Ուսանողները ամբողջական պատկերացում են ստանում նաև հայկական սփյուռքում տարբեր ժամանակներում առկա հիմնահարցերի մասին:

Դասընթացի սկզբում կատարվում է պատմական ակնարկ, որտեղ խոսվում է «Հայ գաղթօջախների պատմության»² թեմայի մասին: Մանրամասն ներկայացվում են արտագաղթերը, բռնագաղթերը և դրանց նպաստող հանգամանքները: Թեմայի շրջանակներում խոսվում է նաև օտար երկրների պատմության մեջ հայերի և հայկական համայնքների դերակատարման մասին: Քննարկվում են նաև թեմային վերաբերող հետազոտություններ:

«Սփյուռքայնացման գործընթացը» թեմայում ուսանողներին հանգամանալից ներկայացվում է հայկական գաղթօջախների վերածումը կազմակերպված սփյուռքի³: Խոսվում է տեղի ունեցած գործընթացի պատճառների և ժամանակագրական սահմանների մասին: Բացատրվում է «Տրոնք» կամ «Սփյուռք» տերմինի նշանակությունը և կիրառումը հայ իրականության մեջ: Հատուկ ուշադրություն է դարձվում ազգային կուսակցությունների գործունեությանը Սփյուռքի համախմբման, ուղղորդման, կազմակերպման և ձևավորման գործում: Խոսվում է նաև թեմային առնչվող հիմնահարցերի և ուսումնասիրությունների մասին:

¹ *Տե՛ս Բերկով Բ., Научная проблема, Минск, 1984; Ковальченко И., Методы исторического исследования, М., 2003.*

² *Տե՛ս Աբրահամյան Ա., Համառոտ ուրվագիծ հայ գաղթավայրերի պատմության, գիրք Ա-Բ, Ե., 1964, 1967; «Հայ գաղթաշխարհի պատմություն», (միջնադարից մինչև 1920 թ.), խմբ. Վ. Միքայելյանի, հ. 1-3, Ե., 2003-2013; Աճառյան Յ., Հայ գաղթականության պատմություն, Ե., 2002; Ալպոյաճյան Ա., Պատմություն հայ գաղթականության, հայերի ցրումը աշխարհի վանական մասերը, հատ. 1-3, Կահիրե, 1941, 1955, 1961; Բարխուդարյան Վ., Հայկական գաղթավայրերը, Ե., 1991; «Էջեր հայ գաղթավայրերի պատմության», խմբ. Վ. Բարխուդարյանի, 2. Եկավյանի, Ե., 1996:*

³ *Տե՛ս Եղիապարյան Ա., Անանյան Մ., Հովհաննիսյան Ա. և այլք, նշվ. աշխ., էջ 9-22; Եղիապարյան Ա., Հայ սփյուռքի պատմության պարբերացումը, «Հայագիտության հարցեր», 2014, N 2, էջ 33-51; Մելիքսեթյան Յ., Արևմտահայերի բռնագաղթը և սփյուռքահայերի հայրենադարձությունը Սովետական Հայաստան (1915-1940 թթ.), Ե., 1975; Դալլաբյան Կ., Հայ Սփյուռքի պատմություն (համառոտ ակնարկ), Ե., 2004:*

«Հայերի տեղաբաշխումը ժամանակակից աշխարհում» թեման ուսանողներին լիարժեք պատկերացում է տալիս արդի փուլում հայերի սփռվածությունն մասին¹: Խոսվում է հայկական համայնքներ ունեցող երկրների աշխարհագրության և ընդհանուր առանձնահատկությունների մասին՝ հիմք ընդունելով տարածաշրջանային, սոցիալ-տնտեսական, քաղաքական և մշակութային շատ ընդհանրություններ: Մանրամասն ներկայացվում է տիպաբանման այն սկզբունքը, որի համաձայն խմբավորվում են սփյուռքահայ համայնքները: Ըստ ընդհանուր բնութագրերի՝ հատուկ ուշադրություն է դարձվում յուրաքանչյուր խմբի մաս կազմող համայնքների յուրահատկություններին:

«Հայկական համայնքները Արևելքի երկրներում» թեման ներկայացնում է Արևելքի երկրներում գոյություն ունեցող հայկական համայնքների առանձնահատկությունները: Անդրադարձ է կատարվում դրանց կարևորությանն ու նշանակությանը: Խոսվում է Արևելքի երկրներում առկա հայկական համայնքների² ներհամայնքային կառուցվածքի, ազգապահպանության մեթոդների, ինչես նաև համահայկական կառույցների գործունեության մասին: Քննության է առնվում նաև Արևելքի հայկական համայնքների առանցքային դերակատարումը հայկական սփյուռքի կայացման գործում:

«Հայկական համայնքները Արևմուտքի երկրներում» թեման անդրադառնում է Արևմուտքի երկրներում գոյություն ունեցող հայկական համայնքներին³՝ սկսած ձևավորումից մինչև մեր օրերը: Հանգամանալից կերպով ներկայացվում են համայնքների սկզբնավորումն ու անցած ճանապարհը: Նկարագրվում են նշված երկրների հայկական համայնքներում առկա իրողությունները և տիրող մթնոլորտը: Հիշատակվում են նաև բոլոր այն կազմակերպությունները, որոնք կարևոր են համայնքների կյանքում: Ի մի են բերվում արդի փուլում առկա հիմնահարցերը՝ համեմատվելով անցյալում գոյություն ունեցող համանման խնդիրների հետ:

«Հայկական համայնքները հետխորհրդային երկրներում» թեման ուսանողներին լիարժեք պատկերացում է տալիս նախկինում Խորհրդային Միության մաս կազմող և ներկայումս անկախ պետություններ հանդիսացող բոլոր երկրների հայ համայնքների ամբողջական պատմության մասին⁴: Թեմայի առաջին հատվածում նկարագրվում է հայկական համայնքների վիճակը հետխորհրդային երկրներում խորհրդային շրջանում, իսկ երկրորդ փուլում ներկայացվում են նշված

¹ Տե՛ս Ալպոյաճյան Ա., Պատմություն հայ գաղթականության, հայերի ցրումը աշխարհի պանապան մասերը, հատ. 1-3, Կահիրե, 1941, 1955, 1961; Գասպարյան Ս., Սփյուռքահայ գաղթօջախներն այսօր, Ե., 1962; «Հայ սփյուռք» հանրագիտարան, Ե., 2003; Дятлов В., Мелконян Эд., Армянская диаспора: очерки социокультурной типологии, Е., 2009:

² Տե՛ս Վարժապետյան Ս., Հայերը Լիբանանի մեջ, հատ. 1-5, Բեյրութ, Ֆերլոն, 1951-1983; Հովհաննիսյան Ն., Մեր ձավոր արևելքի և Սիրիայի հայ համայնքները և նրանց հեռանկարները, Ե., 2015; Բայբուրյան Վ., Իրանի հայ համայնքը. արդի հիմնախնդիրներ, Ե., 2013; Թյուրյունջյան Պ., Լիբանանի ժողովրդի ապատագրական պայթյալը և հայ համայնքը (1920-1990), Ե., 1992; Փաշայան Ա., Հարությունյան Լ., Սիրիայի հայ համայնքը. արդի հիմնախնդիրներ, Ե., 2011; Թովուկյան Յ., Սիրիայի և Լիբանանի հայկական գաղթօջախների պատմություն (1841-1946), Ե., 1986; Նույնի՝ Եգիպտոսի հայկական գաղութի պատմություն, Ե., 1978; Հարությունյան Ն., Լիբանանի և Սիրիայի հայկական դարոցները, Ե., 2002; Ֆիշենկճեան Ա., Սուրիոյ հայ համայնքի պատմութիւնը 1946-1970 թթ., Ե., 2018; Չալոմյան Ն., Լիբանանի հայ համայնքը երկրի սոցիալ-տնտեսական և քաղաքական կյանքում (1970-ական թվականներ), Ե., 2002; Փահլեվանյան Յ., Իրանահայ համայնքը (1941-1979), Ե., 1989; Աճեմյան Յ., Հայերը Հորդանանի մեջ, Լոս Անջելես, 1989; Մամուրի Յ., Հայերը Երուսաղեմի մեջ ամենահին ժամանակներից մինչև մեր օրերը, Ե., 1963; Մուրադյան Ս., Իրաքի հայ համայնքը, Ե., 1997; Օհանեան Ս., Իրաքի հայ համայնքը 20-րդ դարում, Ե., 2016; Հովհաննիսյան Ա., Սիրիայի հայկական գաղթօջախը և նրա դերը հայ-սիրիական հարաբերություններում, «Պատմություն և մշակույթ» հայագիտական հանդես, Գ, Ե., 2014, էջ 398-408; Migliorino N., (Re)constructing Armenia in Lebanon and Syria: Ethno-Cultural Diversity and the State in the Aftermath of a Refugee Crisis, New York, Oxford, 2008.

³ Տե՛ս Ավագյան Բ., Ամերիկայի Միացյալ Նահանգների հայ գաղութի պատմությունը, Ե., 2000; Մարտիրոսյան Լ., Ամերիկահայությունը երեկ և այսօր, Բեյրութ, 1973; Չեթյան Լ., Հայերը Իտալիո մեջ, Վենետիկ, 1990; Պողոսյան Ս., Թուրքի ակնարկ Մարսելի հայ գաղութի պատմության վրա, Ե., 2005; Հակոբյան Յ., Հայերը և Իտալիան, Ե., 1999; Տիգրանյան Տ., Անգլիան և հայերը, Եր., 1994; Մինասյան Գ., Բելգիան և հայերը (III դարից մինչև մեր օրերը), Ե., 2016; Mirzaian A., Armenians in Australia and New Zealand, Sydney, 1966; Bakalian A., Armenian-Americans: From being to Feeling Armenian, New Brunswick-London, 1993.

⁴ Տե՛ս Ալեքսանյան Յ., Հայկական համայնքները խորհրդային հանրապետություններում 1917-1941 թթ., Ե., 2014; Նույնի՝ Հայկական համայնքները խորհրդային հանրապետություններում, 1941-1991 թթ., Ե., 2016; Բարխուդարյան Վ., Ալեքսանյան Յ., Ռուսաստանի հայ գաղթօջախների պատմություն, Ե., 2015; Հարությունյան Յու., Ռուսաստանի

երկրներում գոյություն ունեցող համայնքները հետխորհրդային շրջանում: Կատարվում են համեմատություններ՝ վեր հանելու երկու փուլերի տարբերություններն ու ընդհանրությունները:

«Հայկական համայնքները Հարավային Ամերիկայի երկրներում» թեման իր մեջ ընդգրկում է նշված տարածաշրջանի երկրներում առկա հայկական համայնքների պատմությունը¹: Թեմայի շրջանակներում ուսանողները ծանոթանում են Հարավային Ամերիկայի երկրների հայկական համայնքների կազմավորման հանգամանքներին, ժամկետներին և զարգացման առանձնահատկություններին: Ներկայացվում են այդ համայնքների ներկա վիճակը և խնդիրները: Հատկապես կարևորվում են նշված հայկական համայնքների կյանքում առանցքային դերակատարում ունեցող կազմակերպությունները, որոնց կատարվում է հատուկ անդրադարձ:

«Հայրենիք-սփյուռք հարաբերությունները» թեմայի շրջանակներում ուսանողները պատկերացում են ստանում հայրենիք-սփյուռք հարաբերությունների բոլոր փուլերի մասին²: Անդրադարձ է կատարվում բոլոր այն կազմակերպություններին ու կառույցներին, որոնք նպաստել են այդ հարաբերությունների կայացմանն ու զարգացմանը: Հատկապես կարևորվում են խորհրդային շրջանում եղած սահմանափակումների և խոչընդոտների պայմաններում գոյություն ունեցած շփումները: Ներկայացվում է նաև խորհրդային շրջանում մի քանի փուլերով իրականացված սփյուռքահայերի հայրենադարձությունը: Անդրադարձ է կատարվում հայրենիք-սփյուռք հարաբերությունների արդի փուլին և ներկայացվում այն իրողությունները, որոնք առկա են հետխորհրդային շրջանում: Արվում են համեմատություններ, տարատեսակ վերլուծություններ, քննվում բազմաթիվ խնդիրներ:

«Համասփյուռքյան կազմակերպությունները» թեման ներկայացնում է Սփյուռքում գործող գրեթե բոլոր համասփյուռքյան կազմակերպությունների և կառույցների գործունեությունը³:

հայկական սփյուռքի մասին. Մոսկվայի և Կրասնոդարի հայերի էթնոսոցիոլոգիական հետազոտություն, Ե., 2011; Григорьянц А., Армяне Средней Азии. История, современное положение, перспективы, Е., 1994; Минасян С., Этнические меньшинства Грузии: потенциал интеграции на примере армянского меньшинства страны, Е., 2006.

¹ Տե՛ս Մատթեոսեան Վ., Հարավային կողմն աշխարհի: Հայերը Լատին Ամերիկայի մեջ սկիզբէն մինչև 1950, Անթիլիաս, 2005; Նույնի՝ Նիւթեր Արժանթինի հայ գաղութի պատմութեան, Ե., 1996; Նույնի՝ Ուրուկուայի հայ համայնքը (սկիզբէն մինչև 1950), Պէյրուք, 2002; Վարդանյան Ե., Պրապիլիո հայ գաղութը, Բուենոս Այրես, 1948; «Հայ սփյուռք» հանրագիտարան, Ե., 2003:

² Տե՛ս Եղիապարյան Ա., Անանյան Մ., Հովհաննիսյան Ա. և այլք, նշվ. աշխ.: Սինսայան Ե., Վարդանյան Ա., Հայրենիք-Սփյուռք առնչությունները ՀՀ անկախության տարիներին (1991-2009 թթ.), Ստեփանակերտ, 2010; Պետրոսյան Բ., Հայրենիք-Սփյուռք հարաբերությունները 1988-2001 թթ., Ե., 2011; Համապասայան Վ., Սովետական Հայաստանը և Սփյուռքը, Ե., 1980; Մակարյան Լ., Հայաստանի օգնության կոմիտեի գործունեությունը 1921-1937 թթ., Ե., 2018; Նույնի՝ Հայաստանի օգնության կոմիտեի համագործակցությունը հայրենակցական միությունների հետ, «Հայոց պատմության հարցեր» (գիտական հոդվածների ժողովածու), Ե., 2012, № 13, էջ 230-240; Բաղդասյան Ա., խորհրդային Հայաստան-Սփյուռք կապերի պատմության փուլերը, «Հայ գաղթականությունը և Հայրենիք-Սփյուռք կապերը 1918-1985 թթ.» միջազգային գիտաժողովի Վեկուցումներ, էջ 69-76; Մելքոնյան Ե., Հայաստանի երրորդ Հանրապետության և Սփյուռքի քաղաքական փոխհարաբերությունների հարցի շուրջ, «Սփյուռքագիտություն. տեսության և պատմության հարցեր» տարեգիրք, Ե., 2012, էջ 102-122; Նույնի՝ Հայաստան-Սփյուռք հարաբերությունների փոխակերպումը 20-րդ դարում. քաղաքական իշխանության խնդիրը, «Սփյուռքի հեռանկարները գլոբալացվող աշխարհում» միջազգային գիտաժողովի Վեկուցումների ժողովածու, Ե., 2012, էջ 101-141; Միրզախանյան Ռ., Հայրենիք-Սփյուռք մշակութային կապերը 1966-1990 թվականներին, «Լրաբեր հասարակական գիտությունների», 2008, № 2, էջ 209-218; Եղիապարյան Ա., Հայրենիք-սփյուռք հարաբերությունների գերակա ուղղությունները (1960-ական թվականներին մինչև օրս), «Հայագիտության հարցեր», Ե., 2016, 3, էջ 96-105; Նույնի՝ «Արտասահմանյան երկրների հետ մշակութային կապերի հայկական ընկերության գործունեության հիմնական ուղղությունները 1944-1966 թթ.», «Լրաբեր հասարակական գիտությունների», Ե., 2016, № 3, էջ 78-85; Նույնի՝ «Սփյուռքահայության հետ մշակութային կապի կոմիտեի գործունեության հիմնական ուղղությունները 1964-1985 թթ.», «Պատմություն և հասարակագիտություն», Ե., 2015, № 1, 59-76; «Armenia-Diaspora Relations: 20 Years Since Independence», A Publication of Policy Forum Armenia, 2010.

³ Տե՛ս Խուրշուդյան Լ., Սփյուռքահայ կուսակցությունները ժամանակակից Ետսպում, Ե., 1964; Դավաթյան Վ., Ռամկավար ապատական կուսակցության պատմություն (1921-1990 թթ.), գիրք 1, Ե., 1999, գիրք 2, Ե., 2007; Նույնի՝ «Ավանդներ սփյուռքահայ հասարակական մտքի պատմության», Ե., 1994; Նույնի՝ «Սփյուռքահայ առաջադիմական կազմակերպությունները խաղաղության և դեմոկրատիայի համար մղվող պայքարում» Ե., 1962; «Պատմագրություն Հայ յերափոխական դաշնակցության», քառաստոր շարք, հ. 7. Ե., 2003; Դարախանյան Վ., Գալուստ Կիւլպենկեան հիմնարկութեան հայասպաստ գործունեությունը, Ե., 2008; Համապասայան Վ., Հայկական բարեգործական ընդհա-

Արժևորվում է մշակութային, մարզական, բարեգործական միությունների դերը սփյուռքի կյանքում: Հատկապես կարևորվում է այդ կառույցների ներդրումը հայապահպանման գործում:

«Եկեղեցին Սփյուռքում» թեման անդրադառնում է Սփյուռքում գործող հայկական եկեղեցական բոլոր կառույցներին¹: Թեմայի շրջանակներում ներկայացվում է Հայ եկեղեցու նշանակալի դերակատարումը հայկական համայնքների կյանքում: Հատկապես կարևորվում է եկեղեցու՝ ինքնության ու մշակույթի պահպանմանն ու ազգահավաքին ուղղված գործունեությունը:

«Սփյուռքի հեռանկարը» թեմայի շրջանակներում ներկայացվում են հայկական սփյուռքում առկա բոլոր փոփոխություններն ու տեղաշարժերը, ինչպես նաև առավել կարևոր ու արդիական հիմնահարցերը: Այս ամենը համադրելով անցյալում տեղի ունեցած շարունակական զարգացումների և ժամանակակից աշխարհում առկա գործընթացների հետ՝ ուսանողները պատկերացում են ստանում բոլոր այն հնարավոր միտումների վերաբերյալ, որոնց կարող ենք ականատես լինել սփյուռքահայ համայնքներում հետագայում:

ՆԱԽԱՏԵՍՎԱԾ ՎԵՐՋՆԱՐԴՅՈՒՆԸ

Դասընթացի ընթացքում ստացած գիտելիքների և հմտությունների շնորհիվ ուսանողները ունակ կլինեն ներկայացնել հայկական սփյուռքի ձևավորման ու զարգացման պատմությունը, ինստիտուցիոնալ կառուցվածքը, հայապահպանման մեխանիզմները, համասփյուռքյան կառույցների ու կազմակերպությունների առանձնահատկությունները, առկա հիմնահարցերն ու գոյություն ունեցող մարտահրավերները:

Գործնական ունակությունների ձեռք բերման արդյունքում ուսանողները կկարողանան իրականացնել գիտահետազոտական աշխատանք՝ գործածելով ձեռք բերված տարատեսակ հմտություններն ու կարողությունները: Ամփոփելով ու գնահատելով սփյուռքահայ համայնքներում առկա իրողությունները պատմական տարբեր ժամանակաշրջաններում և ծանոթ լինելով ներկա հիմնախնդիրներին՝ ուսանողները ունակ կլինեն կանխատեսումներ անել Սփյուռքի հեռանկարի վերաբերյալ:

Ара Оганесян, УЧЕБНО-МЕТОДИЧЕСКИЕ ПРИНЦИПЫ И ОСОБЕННОСТИ КУРСА “ИСТОРИЯ АРМЯНСКОЙ ДИАСПОРЫ”. Курс “История армянской диаспоры” имеет важное научно-исследовательское, учебно-методическое и практическое значение. Курс предоставляет студентам основательные знания об образовании и развитии армянской диаспоры. Он знакомит студентов с институциональной структурой и механизмами самосохранения в армянских общинах. Студенты также познают своеобразие общеармянских организаций, осуществляющих деятельность в диаспоре. В процессе обучения студенты получают также методические знания. Проводится активное обучение. Студенты учатся ставить задачи и решать их. Они не только слушают, но и думают, анализируют, обсуждают и исследуют определенные ситуации. Практические работы развивают у студентов аналитическое мышление.

Ключевые слова: диаспора, община, курс, история, обучение, важность, метод, исследовательская работа, обсуждение, анализ, общинная организация.

Նուր միությունը և Հայաստանը, Ե., 2001; Մելքոնյան Էր., Հայկական բարեգործական ընդհանուր միության պատմություն, Ե., 2005; Սիմոնյան Հ., Սփյուռքահայությունը սոցիալ-քաղաքական պայթյալի ուղիներում, Ե., 1968; Սարգսյան Ա., Պետրոսյան Ա., Սփյուռքահայ կազմակերպությունները, Ե., 2002; Գասպարյան Ս., Սփյուռքահայ մշակութային և հայրենակցական միությունները արդի շրջանում, «Պատմաբանասիրական հանդես», 1970, № 3, էջ 274-283; Նահապետյան Վ., Ամերիկայի հայկական համագումարի կազմավորումը, նպատակներն ու կառուցվածքը, «Լրաբեր հասարակական գիտությունների», 1997, № 3, էջ 25-32:

¹ Տե՛ս Եղիայեան Բ., Ժամանակակից պատմութիւն կաթողիկոսութեան Հայոց Կիլիկիոյ 1914-1972, Անթիլիաս, 1972; Սիմավորյան Ա., Հովյան Վ., Ռուսաստանի Դաշնության հայության կրոնադավանանքային կողմնորոշումները, Ե., 2011; Թութիկյան Վ., Հայ Ավետարանական եկեղեցին (1846-1996 թթ.), Դետրոյտ, 1996; «Հայ սփյուռք» հանրագիտարան; Тунян В., Армянская церковь за рубежом. Начало XXI в., Е., 2016; Акопян В., Армянская Апостольская церковь на Ставрополье и Тереке, Пятигорск, 2000.

Ara Hovhannisyán, EDUCATIONAL AND METHODOLOGICAL PRINCIPLES AND FEATURES OF THE COURSE "HISTORY OF ARMENIAN DIASPORA". The course "History of Armenian Diaspora" has an important research, educational and practical significance. The course provides the students with a basic knowledge of the creation and development of the Armenian Diaspora. During the course, the students are introduced to the institutional structure and mechanisms of self-preservation of Armenian communities. They are informed about the originality of pan-Armenian organizations that operate in the Diaspora. The students are also provided with methodological knowledge during the teaching. Active training is being conducted. They learn to set tasks and solve them. They not only listen, but also think, analyse, discuss and observe certain situations. Practical work develops the students' analytical thinking.

Key words: *Diaspora, community, course, history, training, importance, method, research work, discussion, analysis, community organization.*